

# Ленинэнь киява

ВЛКСМ-нь Мокшэрзянь обкомонть ды Саранскоень ошонь комитетэнь газетаст

АВГУСТОНЬ

21 чи,

1937 ие

№ 95 (769)

ЛИСИ

7-це ие  
чинь ютазь

## КШИСЭ ТОРГОВАМОНТЬ КОРЯС ОГРАНИЧЕНИЯТНЕНЬ ПОЛАВТОМАДО

Мокшэрзянь АССР-нь Народной Комиссартнэнь  
Советэнь 1937 иень августонь 14 чинь  
постановлениязо

ССР-нь Союзонь СНК-нь 1937 иень августонь 10 чинь постановлениязо коряс, Мокшэрзянь АССР-нь Народной Комиссартнэнь Советэсь теи постановления:

1. Полавтомс 1937 иень сентяб-  
рянь 1 чистэ сазеь велень таркат-  
несэ рознидас почтонь миёмань  
ды кшинь панемань коряс огра-  
ничениятнень.

2. Меремс МАССР-нь Нарком-  
внуторгонтень обеспечить кшисэ  
перебойтеме торговомонть, кода  
ошсо, истя жо велесэяк.

3. Кармавтомс МАССР-га СНК-со  
Уполкомзагонть обеспечить кшинь  
паница ды торговли организацият-  
ненень сынест аравтозь планонть  
коряс весе сортонь почтнэнь пере-  
бойтеме нолдамонть.

Мокшэрзянь АССР-нь Народ-  
ной Комиссартнэнь Советэнь  
председателесь А. КОЗИКОВ.

Мокшэрзянь СНК-нь Управе-  
лэнь обязанностензэ топавты-  
цясь В. МИШУНИН.

## Дмитрий Концедалов норманзо топавтызе 2142 проценте

Серго, августонь 19-це чи. (ТАСС).  
Донбассонь знаменитой забойщи-  
кесь, ней московской промакаде-  
миянь студентсь, Дмитрий Кон-  
цедалов Крымсэ оймсемадо мейле  
сась Сталин лемсэ шахтантень—  
стахановской движениянь роди-  
нантень. Течи валгсь шахтантень

ды стахановской движениянь ом-  
боце годовщианть честьс Конце-  
далов ялгась макссь уголиянь ре-  
кордной выработка. Роботамонь  
сисем часос сон керясь 150 квад-  
ратной метрат забой, забойщикень  
норманть топавтызе 2142,8 про-  
центе.

## Пограничнойсэ ды Сахаляньсэ СССР-нь консульстватнень пекстамось

Хабаровск. (ТАСС). Тесэ полу-  
чазь сведения, што августонь  
13-це чистэнь Харбинсэ СССР-нь  
генеральной консульстванть уп-  
равляющеесь Кузнецов ялгась, Со-  
ветской правительстванть мереман-  
зо коряс, омбо мастортнэ марто  
тевень ветямонь коряс Харбинсэ  
департаментэнь Особо Уполномо-  
ченоевнень яволятсь протест  
возмутительной режимэнь каршо,  
конань японо-манчжурской власть-

не теизь Манчжуриясо советской  
консульстванть туртов, ды пач-  
тась куля Советской правительст-  
ванть решениядонзо седе, штобу  
пекстамс Пограничнойсэ ды Саха-  
ляньсэ советской консульстватнень.

Получазь сведения тне кортыть  
седе, што Пограничнойсэ ды Са-  
халыньсэ СССР-нь консульстватне  
ушодызь уш тевтнень ликвида-  
циянь.

## Москов—Северной Америка ливтямотнень организованост коряс комиссиянь пельде

Августонь 18 чинь перть  
„Н-209“ самолетонь радиостанци-  
янь сатышка кемема марто му-  
емс эз саво.

Самолеттнэ, конат назначазь  
вешнемань роботатнень тееме, лив-  
тить яла северэв. Задков ялганть  
„Н-2“ самолетось Привиденья бух-  
тасто ливтась Уэлленэв, Грациан-  
ский ялганть „Н-207“ самолетось  
Красноярскойсэ ливтась Дудин-  
кав, Головин ялганть „Н-206“ са-  
молетось—Казаньсэ Свердловско-  
ев.

„Красин“ ледоколось августонь  
18 чинь каршо вестэнь Шмид-  
тэнь мысэнь маласо снялся якорь-  
\* \*

Августонь 19-це чистэнь „Н-209“  
самолетстонть радиосигнал при-  
мазэ арасельть.

„Красин“ ледоколось моли Аля-  
сканть эйстэ северэв. Августонь  
19-це чистэнь московской шканть  
коряс обед шкане сон ульнесь 160  
градусонь туру западной долготы-  
со ды 71 градусонь туру широты-  
со, моли покш туманонь пачк эй  
юткова, кона кой-кува пачколи 8  
балс.

Задков летчикесь ашти Уэллен-  
сэ, секс, што кода Уэлленсэ, истя

жо Барроунь мысэнь (Аляска),  
сонзэ сех маласо цельсэнь покш  
туман. Грацианский летчикесь лив-  
тась Дудинкав, Головин летчикесь  
—Тюменев.

Советской правительстванть ме-  
реманзо коряс Главсевморпутесь  
Амторгонть вельде Америкасто  
рамась „Консолидейтед“ фирманть  
покш гидроплан, кона прими учас-  
тия вешнематнень коряс роботат-  
несэ, эйсэньзэ ветямо карми аме-  
риканской полярной содавикс лет-  
чикесь Вилкинс. (ТАСС).



СОВЕТСКОЙ СОЮЗОНЬ ОШТНЭВА  
СНИМКАСОНТЬ: Амур лангсо Комсомольскойсэнь эрямонь од кудо.  
Фотось Б. Фишманонь (Союзфото).

## Шанхайсэ японецтнэнь антисоветской провокацияст

Шанхай, 19/VIII. (ТАСС). Август-  
тонь 17-це чистэнь, сень кувалт,  
што Шанхайсэ СССР-нь генераль-  
ной консульствась ульсь террито-  
рия лангсо, конань контролиро-  
вить японской войска тне, японс-  
кой солдаттнэ, истямо тувталонь  
коряс, што консульстванть вейке  
комнатасо було палсь электричес-  
кой валдо, снартнест насильно  
совамс консульстванть помещени-  
янтень, конань эвакуировакшнызь  
сотрудниктнэ. Помещениясонть  
ульнест ансяк кавто китаецт—  
привратник ды кули. Сынест мере-  
зель киньгак лиянь а нолдамс зда-  
ниянтень, секс откажаст японской  
солдаттнэнь панжомс кенкшенть.  
Кенкшнэстэ ды вальматнэстэ су-  
ликатнень солдаттнэ тапсизь, но  
помещениянтень совамо сын эсть  
кенере, секс, што те шкастонть  
сась генеральной консульстванть  
управляющеесь Симанский ялгась,  
конанень ТАСС-онь корреспондент-  
тэсь Рогов ялгась евтакшнэ се-  
де што японской войска тне гро-  
зить бомбардировамс консульст-  
вань помещениянтень.

Японской солдаттнэ, конань ве-  
тасть офицерт ды гражданской ло-  
манть, конат мерсть, што сын  
Иноуэ японской консульстванть  
сотрудникт, — каявсть китайской  
служащейтнень лангс, ды протес-  
тэнь лангс атак вано, вийсэ сынст  
ливтизь помещениястонть ды саизь  
эсист марто. Омбоце чистэнь вал-  
ске марто, Симанский ялгась япон-  
ской генеральной консулонтень  
Окамонтонень яволятсь решитель-  
ной протест самоуправстванть кар-  
шо ды сень каршо, што японской  
солдаттнэ колызь международной  
койтнень (насилственнэ эцест  
консульстванть ды экстеррито-  
риальной помещениястонть саизь  
омбо масторонь консульствань слу-  
жащейтнень). Симанский ялгась  
протестэнь истя жо яволятсь:  
сень кувалт, што японской власт-  
не консульствань помещениянтень  
насилственнэ кадызь охранавто-  
мо ды сень кувалт, што сон (кон-  
сульствась) ашти территория ланг-  
со, конань контролировать японс-  
кой войска тне, весе консульстванть  
ванстоманзо кис весе ответствен-  
ностесь ашти японецтнэнь ено.  
Контрпротестэнь Окамото снарт-  
несь теёмс версия, што консуль-

твавь чаво вейке зданиясонть элек-  
трической валдось, було, ульнесь  
кирвастезь „сень кис, штобу теёмс  
сигнализация врагонтень“, лиякс  
меремс китайской енксонть. Си-  
манский ялгась педе-пев ловизе а  
видекс мезьсэяк необоснованной  
те кортамонть ды яволятсь, што  
улить весе основания тне кортамс  
антисоветской элементтнэнь ендэ  
теезь провокациядо, конат эрва  
кода бажильть теёмс очередной  
провокация, кода те ульнесь Тянь-  
цзиньсэ японской разведыватель-  
ной органтинь указанияст коряс  
СССР-нь консульстванть лангс ка-  
явомсто ды сонзэ грабамсто. Ав-  
густонь 19-це чистэнь консульст-  
ванть служащейтне, китайской под-  
даннойтне Ян Цзу-Лун (57 иесэ  
аволь грамотной) ды Ян А-Цу  
(19 иесэ, аволь грамотной) уль-  
нест нолдазь. Сын евтнест, што  
сынст пек ламоксть кевкстнилизь,  
секе тев эйсэст чавильть ды гро-  
зильть ледемасо. Заключениесо  
улемань весе шканть перть ды  
допросонь шкастонть ульнест  
сюлмсезь. Допростнэнь пингстэ  
японецтнэ бажильть содамс, кода  
аштит консульствасонть комна-  
татне, косо аштит сейфитнэ, косо  
эрить сотрудниктнэ (сынст адре-  
сэст), кие якси консульстванть,  
мезе икеле уш сайсть консульст-  
вастонть сонзэ сотрудниктнэ ды  
лият. Кавонест туртов алтнесть,  
бути сын евтасызь эрявикс све-  
дения тнень, ламо ярмакт. Кода ме-  
рить „сигнализациядо“ вейкеяк воп-  
рос эзь ульне максозь. Кавонест  
китаецтнэнь нолдамодо икеле япо-  
нецтнэ вийсэ снартнест карма-  
томс сынст подписать кодамо-бу-  
ти конев, кона сермадозель японс-  
кой кельсэ, эйсэньзэ рисовазель  
консульстванть планозо. Китаецтнэ  
откажаст подписать те коневонть,  
сынст таго кармасть пек чавомост  
ды силой кармавтызь кадомс сур-  
стост опечатокт.

Японской очередной провока-  
циясь эзь удала. Но арасть кодат-  
как гарантия, што а карми уле-  
ме нолдазь тевс маштомасо тан-  
давтнемань коряс сынст теевть  
документэсь эли жо консульствань  
помещениянтень охранавтомо уле-  
манзо кувалт а карми улеме теезь  
од провокация вымышленной „сиг-  
нализациянтень“ стильсэ.



## Атяшевасо стувтызь пионертнэнь

Атяшевась районсо весемезэ 34 пионерской отрядт. ВЛКСМ-нь райкомось ды РОНО-сь стувтызь неть отрядтнэнь.

Тень таркас, штобу ютавтомс каникулань шканть парсте, веселасто, кой-кона пионертнэ тейнить а паро тевть.

Вана Батушевась пионерской отрядсто. Эзь кенергь пионерской лагерьстэ пионерэсь Чечеркин само, кармас салсеме алт ды лангозост рамсеме таргамо-пельть.

Те отрядось ВЛКСМ-нь райкомонт ды РОНО-нтэ судост ало, сон местькак а роботы, кияк тензэ а лездыак.

Апак вант сень лангс, што колхозной пионертнэ ютксо кизэнь шканть ютавтомадо у л ь н е с ь ВЛКСМ-нь ЦК-нтэ указаниязо, пионерэнь отделэнь заведующеесь Ашаев ды РОНО-нь завось Слугин местькак эзь тейть. ВЛКСМ-нь райкомось эзь организова пионертиэненень культурно-оздоровительной оймсема. Комсомолонь организациятне а ваньхыть пионертиэнь ютксо роботанть лангс, секскак пионертиэ шкаст ютавтинь кода понгсь.

Сех берянь мель пионерэнь отрядтнэненень явить комсомольской организациятне. Вожатойть макснить политически-малограмотнойть, конат а содасызь вожатоень роботанть, а содыть мезть тейнемс пионертиэ ютксо.

Сех пек тень лангс пеняцить сынсь пионертиэ, конат вешить вадра вожатойть.

Вожатоень кадрань кочкамонь тевесь ашти ладязь Атяшевасо пек беряньстэ. Роботанть те участкасонть улить истят фактт, што прятчетькак дубошки стить. Дадской пионерской отрядсонть вожатоекс 3-це не роботы беспартийной ломань—65 иесэ сыре учительницась Балицкая. Истяжо Кулясовасо. Неть отрядтнэсь пионертиэ ютксо эрсить антисоветской мельть, классовой врагонь влияният.

А. Левкин.

## Комсомолетнэнь лездеамост

Кочкуровань район. Од Турдак велень школьной комсомольской организациясь „Од эрямо“ колхозонтень лездеась пултнэнь скирдас вачкамонь тевсэнтэ. Августонь 15-це чистэ 11 ломанть скирдовасть пулт 12 гектар лангсто.

Скирдатнэнь вачкасть Кудашкин В. Т., Зверков И. А., Батяев М. Н. ды лия комсомолетнэ. Истяжо вачкицятне ютксо ульнесть профсоюзонь члент: Гусев И. Г., Гордеев ды лият.

Декин.

## ЭЙКАКШТНЭНЬ ЛАНГСО НАРЬГАМО

Дубенкань район. Кабзй велесэ Куйбышев лемсэ промартелень эйкакшонь садось эзь работа маень 15-це чистэ саезь июлень 8-це чис, сень кувалма, што арасельть продуктат. Продуктань рамамс ярмактнэнь должны максомс республиканской промстрахкассась ды Кабаевань промартелесь. Эйкакшонь садонтэ нейгак продуктанзо аламо, таго секен вант садонтэ пекстасызь. Эйкакшонь садонь роботниктнэненень зарплата а пандокшныть 3 ды седе ламо ковт.

Повадимовань вельПО-сь шкастонзо а максни паро продуктат, июлень 20-це ды 21-це чистэстэ жо кшйак эзь ускокшно. ВельПО-нь оймевтеме ломантнэнь истямо отиошениась ашти эйкакштнэнь лангсо варьгамокс.

Кемдяно, што нейке жо ули путозь пе неть безобразиятнэненень ды садось карми парсте роботамо.

Ев. Агеев.

## Врагтнэнь подлой тевтнэненень народной просвещениясонть путомс пе!

1936-37-це иетнестэ Кенде велесэ школань директорокс роботась бюрократось Карасев. Сон апак лотксе середсь беспечностесь, конань кувалт эзь машт ладямо школасо дисциплинанть, ды чавизе М. Карпунькин тонавтицянтэ, покордызе апаро валсо К. Зинкинэньгак.

Неть весе тевтнэнь кувалт ульнесть ламо сигналт кода РОНО-в, истя жо МАССР-нь Наркомпросовгак. Но сигналтнэ понгонильть народонь заядлой врагтнэненень, конат аштилть руководствасо Дубенкань РОНО-со—Логинов, Наркомпроссо—Вождаев.

Секе Карасев сеедьстэ путниль нарьгамонь лемть сеть тонавтицятнэненень, конат критиковильть

сонзэ эйсэ. Сонзэ ульнесть семейственной тевензэяк: роднойть ды знакомойть тонавтицятнэненень берянь отметка марто переводил классто классос ды ламо лият тевтькак.

Нейгак тевесь моли тонавтнема од иентень анокстамосонть беряньстэ: партатне апак витне, вальматне апак путо, литература, пенгк ды ламо лият арасьт.

ВЛКСМ-нь ЦК-сь тень кувалт яволявтьсь „легкой кавалериянь“ рейд, но комсомолонь организациясь мезеяк а теи.

Эряви нейке жо кундамс те тевентень, ды допрок сядемс народонь врагтнэненень те участкасонть влиянияс.

Русскин.

Дубенкань р-н.

## Серма Якстере армиясто

### Мон кеман эсинь братон лангс

Мон получиень Якстере армиясто братон пельде серма, косо сон сермады: „Пачтян тетя куля, што мон служан Якстере армиясо Баку ошсо, эвондой командирекс №-ской частьсэ. Якстере армиянтэ эрямонь условиятне пек парт. Армиясонть мон седеяк пек кемелгадынть.

Мон кенярдан сень кис, што монень партиясь ды правительствась кемить истямо ответственной тев, кодамокс ашти минек ине родинанть ванстомась.

Якстере армиясонть мон тонадынть аволь аламос: маштыя сермас а содамонтэ, теэвиень политически грамотнойкс, закаленнойкс ды преданнойкс эсинь родинанть ды партиянь, ине вожденень Сталин ялгантень. Якстере армиясо мон максынь норматнэнь „ГТО“, „ПВХО“, „ВС“ значектиэнь лангс ды лият.

Сеедьстэ арьсекшнынь седе, кода пек стакаль службась инязоронь

армиясонть ине революциядонть икеле. Кона ломанесь служакшнос тосо, сон кудов сакшныль калекакс, колазь ломанекс. Сестэ солдатнэ ульнесть ансяк сень кис, штобу ванстомс покш пеке бояртнэнь ды фабрикантнэнь сюлавчист. Ней жо минь ванстатано эсинек уцяскав эрямонок. Киненьгак сонзэ а макссынек.

Мон, браток, службанть прядовомадо мейле арсян кадровомс сверхсрочной службас. Пек уш вечкса Якстере армиянтэ. И. Агеев.

Мон братон туртов сеедьстэ кучнян сермат, евтиян тензэ эсинек паро эрямонок. Ды мон кеман сонзэ лангс, што сон весе вийсэ карми ванстома минек родинанть.

Агеев.

Дубенкань р-н. Кабзй велес.

## Од кочкицянтень СССР-нь Верховной Советс кочкамотнеде

### Кода лововить кочкамотнэнь результаттнэ

Верховной Советс кочкамотнэнь пингстэ кочкамонь эрва округсонть кармить, очевидно, голосовамо депутатокс зяряк кандидатонь кис.

Неть кандидаттнэнь эйстэ кие карми улема ловозь кочказекс?

СССР-нь Верховной Советэнтэ депутатокс кочказекс карми улема ловозь се кандидатось, кие получи сех ламо вайгельть, лиякс меремс пеледест ламо сеть вайгельтнэнь эйстэ, конат максозь округсонть ды ловозь действительнойкс (кочкамонь закононтэ 104-це статья).

Примеркс, бути 200 тышат вайгельтнэнь эйстэ вейке кандидатонтэ кис улить максозь 5 тышат вайгельть, омбоцень кис—35 тышат, колмоцень кис—10 тышат, нилецень кис—25 тышат, ветецень кис—125 тышат вайгельть, сестэ кочказекс карми улема ветеце кандидатось. Ветеце кандидатось кочказекс ули ловозь секс, што сон вайгельть получась седе ламо, чем весе лия кандидаттнэ, вейсэ саезь. Минек примерсэнтэ весе лия кандидаттнэ, вейсэ саезь, получасть 75 тышат вайгельть, ветеце кандидатось жо—125 тышат вайгельть, лиякс меремс весе вайгельтнэнь эйстэ пеледест ламо.

Те самай значиткак, што ветеце кандидатось получась сех ламо вайгельть.

Бути вейкеяк кандидат эзь получа сех ламо вайгельть, сестэ, Кочкамонь закононтэ коряс, эряви омбоцеде, одс голосовамс кавто кандидаттнэнь, конат получасть лиятнэнь коряс седе ламо вайгельть (107-це статья). Перебаллотировканть (омбоцеде голосовамонть) эряви ютавтомс васень голосованиядонть мейле кавто недлядо аволь седе позда.

Мекс кочказекс а лововисе, кие получась вайгельтнэнь простой (относительной) большинство?

Секс, што истямо случайсэнтэ те кандидатонтэ кочкамос не соотвествовал бу сех ламо кочкицятнэнь мелентень. Кочкамонь советской закононтэ задакакс жо ашти—обеспечить минек масторонь трудиятнэнь точной волеизъявления СССР-нь Верховной Советс кочкамотнесэ.

Теке жо целентэ ютавты Кочкамонь закононтэ 108-це статьясь, конась кочкамотнэнь яволявты аволь действительнойкс кочкамонь сеть округтнэсь, косо максозь вайгельтнэнь ламокс-чись ашти те округсонть голосовамонь права марто кочкицятнэнь пеледест ала-

монь турокс. Те случайсэнтэ назначавить одс кочкамот, васень кочкамотнеде мейле кавто недлядо аволь седе позда.

Истямо ладсо минек законось теи сень, штобу кочкамотнесэ активной участияс таргамс трудиятнэнь весе массанть.

Овси лият порядкатне капиталистической мастортнэсь. Польшасо, примеркс, 1935 иестэ кочкамотнесэ примастэ участия весе кочкицятнэнь эйстэ ансяк колоньгеменьшка процентт ды яла теке кочкамотне ловозельть действительнойкс. Те пек характерной капиталистической мастортнэнь туртов, косо кочкамонь законитнэнь задачас ашти сеньсэ, штобу, кода кортась Ленин, тулкайшемс „беднотанть политиканть эйстэ, демократиясонть активной участиянь эйстэ“ (сочинения, XXI-це том, 430 стр.).

Кочкамонь результаттнэнь определения системась, кона примазь капитализмань мастортнэсь, трудиятнэнь туртов эрва кода стакалгавты эсист мелест невтемазь возможность.

Истя, примеркс, английской парламентаментень кочкамсто кочказекс лововисе кандидатось, кие получасть относительной ламокс-чис, лиякс меремс куш бу вейке вайгельде седе ламо сень коряс, зяро получасть башка саезь кодамояк лия кандидат.

Примеркс, бути 40 тышат максозь вайгельтнэнь эйстэ вейке кандидатось получась 4.900 вай-

гельть, омбоцесэ—11.101, колмоцесэ 11.999 ды нилецесэ—12.000 вайгельть, сестэ вейке вайгельде „сех ламо вайгельтнесэ“ кочказекс ули ловозь нилеце кандидатось, сень лангс апак ваню, што сонзэ каршо голосовасть весе кочкицятнэнь кавто колмоцекс (2/3) пельксэдентэ седе ламот. Чаркодеви, што истямо депутатось не может выражать сех ламо кочкицятнэнь мест. Те—кочкамонь буржуазной механиканть узаконенной жульнической фокустнэнь эйстэ вейке.

Содатано, што Англиясо предпринимательтнэнь (фабрикантнэнь, торговецтнэнь ды лиятнэнь) зяряя случайсэ улить кавто вайгелест. Кавто вайгель марто кочкицятнеде Англиясо весемезэ малав 500 тышат кочкицят. Голосованиянь результаттнэнь определениянь вереве евазь системанть пингстэ эрва вайгелентэ ули пек покш значениязо. Сеедьстэ вейке вайгелесэ реши те эли тона кандидатонтэ кочкамонзо. Секс английской буржуазиясь кеместэ ашти сень кис, штобу сонзэ кедьстэ аволизь сае дополнительной вайгельтнэнь лангс праванть.

Но, теде башка, кочкамонь истямо механикась пачтни весе кочкамотнесэ овси апак учинень результаттнэсь, конат сех пек выгоднойть буржуазной покш партиятнэнь туртов. Сон сынест максы парламентсэнтэ ламо таркат, овси

(Пезэ 3-це страницасо)



## ЗЯРДО ЖО КАРМИТЬ АНОКСТАМО?

Ардатовань районсо пек берянь-стэ моли тонавнемань од иентень анокстамось. РОНО-сь те шкас кода эряви эзизе ушодо школат-нень учительсэ укомплектова-ниянтэ. Районсонть а сатыть 60—70 учительтэ. Седеяк беряньстэ ашти тевесэ эрзянь учительтнень коряс: эрзянь велетнева ансяк 30 процент эрзят—учительтэ, 70 процентнэ жо рузт.

Августонь 15-це чистэ эриволь бу весе начальной школань учи-тельтнень улемс таркасо, но августонь 17-це чинть ютамс ламо школава эщо эзь са учительтне таркасо. Примеркс, Чукалонь неполной средней ды началь-ной школатнес эривольтэ 13 учи-тельтэ, течень чис эщо арась вей-кеяк. Истя жо Мурзань, Жарен-кань, Кученяевань, Любимовкань, Полань ды Баевань школатнесэяк.

Седеяк беряньстэ ашти тевесэ школатнень ремонтнэ кувалт. Чукалонь неполной средней школасонть эриволь теямс бу ремонт, но кияк ремонтнэ теяманть коряс а арсяк. Школа-сонть эриволь бу вачкамс 4 галан-кат, анокстамс 60 партат, 4 дос-

кат—теезь жо мезеяк арась. Чу-калонь начальной школасонть эриволь бу ремонтнэ 3—4 класст, арась ремонтнэ вейкеяк. Истя жо арась анокстазэ наглядной пособиат ды уштома-пельтэ.

Эли вана сямс Кученяевань неполной средней ды началь-ной школатнень, косо асатыть 5 учительтэ, вейкеяк полена арась анокстазэ пенгть. Химиянь, биоло-гиянь ды физикань кабинеттнэ атак ремонтнэ ды тосо арась кодаткак приборт ды ламо лият. Истя жо те школасонть арась галанкат. РОНО-сь те шкас те школантень эзь кучо директор.

Эзь кунда школатнень тонав-немань од иентень анокстамо По-лань, Ст. Ардатовань, Урусовань школатнеяк.

РОНО-сь (сонзэ завось Андрей-кин), башка директортнэ ды шко-лань заведующейтне сурдо-курс эзь вачкодть учебникень, тетра-дань ды тонавнемань лия принадле-жностейнень анокстамонь кувалт.

Тонавнемань од иентэ самс ка-довсть ловозь чить. Зярдэ жо карми анокстамо Ардатовань рай-оносъ? **Ф. Кипайкин.**

## Школатне анокстазэ

**Чамзинкань район.** Киржеман велень начальной ды непол-ной средней школатне тонавте-мань од иентень анокт. Школь-ной зданиятне парсте витнезэ ды белазь. Стольтне ды скамикатне сатышкат ды вадрят. Школатнесэ сатышка улить тонавнемань ды наглядной пособиат.

Неполной средней школанть

директорсь **Максимов** ялгась школань анокстамонзо марто ве-шкане, конань сон ютавтэзе шка-донзо икеле, вейсэ эсинзэ ученик-тнэ маро ветясь ды вети колхоз-никтнэнь ютксо культурно-воспи-тательной работа ды сермас а со-дыцятнень тонавтома.

**Суслин Ив.**

## Косто рамамс учебниктэ?

Кабай велень начальной ды не-полной средней школатнень уче-никтнэ бажить рамамс тонавтема од иентень учебниктэ ды школьной лия пособиат, но сынт рамамс а косто.

КОГИЗ-нь Дубенкань районной отделениясь а арсяк усомс учеб-

никтэ ды школьной лия пособиат, РОНО-ськак тень кувалт месткак а тейни. Сень кувалма Кабай ве-лень тонавтницятне яксить учеб-никень рамсеме Алатырь ошов, ко-ната ашти 50—60 вайгельбетэ.

**Маскалев.**

Дубенкань район.

## Коде лововить кочкамотнень результаттнэ

(П е з а)

аволь пропорционально сень ко-ряс, зяро вайгельтэ сынн полу-часть. Истя, примеркс, 1935 иес-тэнтэ 10 миллионт 488 тыщат вайгельтне, конат максозельт консерватортнэнь кис, сынест максстэ парламентсэнтэ 387 тар-кат, но 8 миллионт 325 тыщат вайгельтне, конатнень получиз лейбористтнэ, сынест максстэ ан-сяк 154 таркат. Лиси, што вейке депутатонть-консерваторонть коч-камонзо кис эривсть 27 тыщат вай-гельтэ, вейке депутатонть-лейбо-ристэнтэ кочкамонзо кис жо эривсть 54 тыщат вайгельтэ.

Относительной ламок-чинь те системась тевс ютавтневи истя жо Франциясо (голосованиянь омбо-це туронть пивгстэ). 1932 иесэнтэ, примеркс, голосованиянь резуль-таттнэ ульнестэ истят: кочказэ де-путатнэнь кис голосовасть 5 мил-лионт 245 тыщат ломанть, атак кочказтнень кис—6 миллионт 315 тыщат. Истямо ладсо, кочкият-нень эйстэ пеледест ламотне 6 миллионт 315 тыщат ломантне эсть получа палатасонть предста-вительства, секс, што сынн эсис вайгелест максыз кандидаттнэнь кис, конат палатас атак кочка.

Голосованиянь результаттнэнь ловомань те васня було невинной способс парламентсэнтэ алкук-

сонь тевсэ максы буржуазной кан-дидаттнэненъ сех покш преимущ-ества. Истя, примеркс, 1932 иес-тэнтэ кочкамотнесэ Франциясо коммунистической партианть кан-дидаттнэ получасть 800 тыщат вайгельтэ, конатнень кувалт коч-казекс ульсть ансяк 12 депутатт, буржуазной партиантнень эйстэ вейкесэ (республиканской демо-кратической союзосэ) получасть 1.200 тыщат вайгельтэ ды тень кувалт палатасонть 76 таркат. Лиси, што вейке депутатонть-ком-мунистэнтэ кочкамонзо туртов эривсть малав ветекстэ седе ламо вайгельтэ, чем буржуазной пар-тиянь вейке депутатонь кочка-монть туртов.

Кочкамонь весе те „арифмети-кась“ служи сенень, штобу коч-камотнесэ теямс преимуществ буржуазной кандидаттнэнь туртов ды теямс невозможнойкс трудия-тнень туртов сынст алкуксонь ме-лест невтеманть.

Кочкамонь ансяк советской за-конось трудиятнэненъ максы воз-можность оля-чистэ невтеам эсис мелест—ды кочкамс сеть канди-даттнэнь, конат алкукс отражают сех ламо трудиятнень мелест ды интересэст.

(„Комсомольская правда“).

## Частушкат

Вельксэ пурксезь лем пулосонть Цексовкс морасть тейтертне. Агань кеме мештесэнзэ Ленинэнь орден цитни.

Умарины сад мастором, Валдо чисан, сюпаван. Тенть пасиба ине Сталин, Уцяскавсто мон эрян.

Течи мон, авам ды тетям Кунцолынек радио. Отто Шмидт миненек евтнесэ, Коде эривть полюссо.

Веселасто пуви вармась, Верде кизэнь пизем прась. А стяко мерсь Сталин ялгась,— Покш вий колхозсо авась.

Садсо касы лемзеркс чувто, Эргензэ нарядкс керксазэ. Пример невтнэ Ларя дедам Эрва тевсэ роботазэ.

Кудряв, мазый вирентэ эндо Сэтьме ялтке пуви чоп.

Колхозонь паксятне келейтэ, Весе видезь сюродо. Цвети минек масторонок, Эрмянок чикс валдо.

Колхозонть кис путса вием, Тевень парсте тейкшннэ мон, Кортэ радио кудосон, Секснэ раман патефон.

Пиже, мазый луганть кувалт Чуди шольнэзэ сиянь лей.

Келей, пиже паксятнева Увтывсть сюротнень прятне. Веселасто эривть садсо Минек велень эйкакштнэ.

## А месьть тейнемс парксэ

Культурань ды оймсемань Са-ранскоень парксонть заведующеесь Шувакин Е. Ф. эщо май ковсто понгавтсь парков совамо кенкшен-тень объявления: „Парксонть улить читальня, библиотека, шахмато-шашечной уголок, билиард ды лият“.

Ламо ломанть эрва чокшне якить парков, штобу культурной-стэ ютавтомс ютко шкаст, но то-со колмо пивнойтнеде башка а

Ковось кизэнь сэтьме вестэнтэ Певерди эсь валдонзо. Пателефонсо кунцолынек Сталинэнь докладонзо.

Вармась пуви, чувтнэ увнеть, Пиже лопасть либордыть. Минек бригадасо течи Конституциянтэ ловнеть.

Вирентэ вельксэ ковось пейди, Пель пакшетнень юткс вайси. Курок Катя стахановканть Митя церась никс сайсы.

**И. Горбунов.**  
Шугурова вело,  
Покш Березниконь район.

Тюма церантэ кеме мештэсэ Нурьги ГТО-нь значок.

Пижелдыть сюрот паксасо, Лугава цецят цветить. Вася покштям вейке чистэ Тейсь мик ниле трудочить.

**П. Русскин.**  
Дубенкань район,  
Кенде вело.

Коммунизмав молемантень Кинек виде ды келей.

Садсо цвети умарины, Нургить цветт таратнэва. Коммунизмав вети Сталин Ине Ленинэнь кива.

Чи лисемстэ, чи валгомсто Вирсэ чоледить цековт. Уцяскав шкань од ломантне Морастэ Сталинэ морот.  
**М. Русскина.**

Иневедекс сэнъ менельганть Укшнеть пондакшов пельтне. Минек ине масторонок, Розакс цветить эйкакштнэ!  
**И. П. Суслин.**

## Парашютной вышкась ашти лезэвтеме

Ичалка велесэ кавто ковт кода прядозь парашютной вышканть строямозо, но сон ашти лезэвтеме. Те истя секс, што аэроклубонь комиссиясь сонзэ эщо эзизе при-ма.

Ичалкань райкомолось ламокстэ кучнесэ аэроклубонь начальни-кентень сермат, косо энялдсь, штобу

седе курок саволь комиссия па-рашютной вышканть примамо, но аэроклубонь начальничесэ тень яла стувтнэ, сон, бульчом, а соды седе, кода Ичалкань од ломантне учить парашютной вышканть тевс нол-дамонзо.

**Горбунов, Винтин.**

Ичалка нь район.

## ВИТЕВКС

„Ленинэнь Киява“ газетань ютась номерсэнтэ (августонь 18-це чи) „Тби-лисисэ польской генеральной консульствадэ ды Харьковсо польской консульст-ванть пекстамост“ материалсонть лиссть ильведькст. Васень строчкасонть серма-дозь: ССОР-нь, эряви ловномс: СССР-нь. Тосо жо сермадозь: республи-канть, эряви ловномс: республиканть. Омбоце ды колмоце строчкатнесэ сер-мадозь: Нольской, эряви ловномс: Польской.

Редакциясь.





Августонь 12-це чистэ Саранскоень стадионсо ульнесь ютавтозь спартакиада. Ламо сядт од ломанть састь Мордовиянь весе районтиэстэ, штобу невтемс эсист вист ды навикест

СНИМКАСОНТЬ: Финишенть вакссо тейтертне—ученикатне, конат чийнить 100 метрань таркас.

Фотось Веретенниковонь.

## Кода зреть крестьянтнэ Польшасо

Польшань фашистской политикась, армиянт ды полициянт лангс ламо средствань ютавтомась, 11-иетнень перть пантнень ды полковниктнень хозяйничаниядост мейле, Польшань трудиянтнень пачтизь вачо-чис, ницейкс-чис ды куломас. Польшань велесь—вачодо. Те а сепови мик Польшань печатентеньгак. „Культура“ журналсонть, конань нолдыть церковниктнэ, сермадозь, што те иень тунда Виленичинасо аштеть вачо 100 тыщадо седе ламо крестьянт. Корреспондентсь, кона ульнесь вачо эриятнень районсо, сермады: „Нетъ пиштакатнень неемстэ санинэс веретькак кельми. Саразонь кудосо пракшнозь аштить атятне ды эйкакштнэ, конат таргойсть вачо-чиденть, сынъ ярстнить лавдо, конат човорязь наксадо модамартнень, чувто ды эрва кодамо тикше марто“.

Польшань восточной окраинатнесэ вишейкс-чись пачкодсь чудовищной размертнэс. Ярсамонь-пелекс аштить ансяк модамартне ды сетнеяк а сатнить.

Те иень урожаесь ютась иеден-цедентькак берянь. Видьмень асатоманть кувалт киртазь видьмень площадтьне. Тельня ловось ульнесь аламо, секс якшамотнеде ламо озимть емасть, тунда жо видемя мейсэль. Кизэнь пситне ды пи-земень аразесь тейсть од ущерб, секс пек яровойтнень.

Пантнэ ды помещиктнэ, сень кувалт, што польской крестьянтнень пек берянь положениаст, казямосто эксплуатировать сынт эйсэ. Азортнэ батрактнень марто тейнить кабальной договор, конат батрактонть целанек максать азоронть кедь-алов. Вана типичнойтнень эйстэ вейке договор, кона теезь Ройцевич помещикенть ды сонзэ батрактонть ютксо:

„Моя, нижеподписавшееся, те договоронть теия Ройцевич гос-подинянт марто. Максан вал иень

перть роботамс чинзэ лисема шка-сто саезь чинь валгомс. Эрва праздниктэ карман дежурямо. Максан вал улемс помещик господинянт кунцолыякс. Мондедень башка карми роботамо эщо тейтерем. Максан вал понамс 8 килограммт карькст помещик-господинянтнень. Максан вал, што роботамсто кармить улеме эсиянь сягом, граблям ды узерем. Эрва кодамо а кунцоломанть эли грубостенть кис Ройцевич господинянт эрва минутсто может монь панемс ды мон сеске жо кадса помещиканть ды а яволяван ко-даткак претензият“.

Те—батрактонть марто помещи-кенъ кабальной договор, кона мельс ледстни крепостной праванть, сон батрактонть присто пильгс макс азоронть милостьс. Кодамо бу-ти Дежиговский, Сулиновицэ (Ка-лиш маласо) имениянь управляю-щей, ледизе Черемиса батрактонть сень кисэ, што тензэ сон (батра-кось) эзь сюконя.

Польшанть хозяйственной ды финансовой стака положениязо лангс апак вано, Польшань воен-щинась касты эсь армиянзо, касты военной тевтнес ассигнованият-нень. 1933 иестэнтэ Польшань ар-миясонть лововсть 266 тыщат сол-датт, 1937 иестэ жо 328 тыщат.

А умок Польшасо лисць книга, конань сермадызь генеральной штабонь офицертнэ. Книганть ав-тортнэ вешить, штобу велень хо-зяйстванть приспособили война-тень. Сынъ наяв кортыть, што крестьянстванть скурозо арась ды польской армиянтень скоро могут максомс ансяк крупной землевла-делетнэ, помещиктнэ ды кулактнэ. Секс сынъ вешить пошколгав-томс субсидиятнень крупной по-мещиктнэненъ—армиянь опоранть. Военной специалисттнэ истя жо вешить войнань случаентень те-емс сюронь покш резервань запас. Те значит эщо седеяк виевстэ лепштымс измученной крестьянстванть лангс.

## Китайсэ конфисковазь японской 6 пароходт

Токио, августонь 18-це чи (ТАСС). Домей Цусин японской агенствась пачти куля, што авгу-стонь 18-це чистэ китайской вой-скатне Путуньсэ пристаньсэнтэ конфисковать японской 6 паро-

ходт ды саизь Ванпу лейганть ве-рев. Обед шкане китайской вла-сти не кармасть неть пароходтнень ваявтомо, сень кис, штобу пиямс Ванпу леень фарватерянт.

## БЕРЛИНСЭ МАШТНЕМАТНЕ

Августонь 16-це чистэнтэ валске марто Берлинсэ маштозь (казнязь) Вильгельм Фирль (Дрезденстэ), ко-на судязель куломазонзо казнямос, сонзэ чумондсть Германиясо неень шкань строенть ертомо анокта-монь кис.

Сестэ жо тевс ютавтозь приго-вортнэ 24 иесэ Эрих Иононь ды 25 иесэ Герман Иононь (Нейкир-хенстэ) тевест коряс. Фашистской судось сынт судьякшнынзе куло-мазост казнямос (смертная казнь), чумондозельть „государственной изменань“ кис.

\*\*\*

Ней Германиясо моли фашист-ской зверской терроронь од вол-на—маштнить робочейтнень, лед-нить солдаттнень, ютавтнить мас-совой облават ды арестт, тейнить пек ламо политической процесст.

Аволь пек умок Плетцензее бер-линской тюрьмасонть палачонь узерьсэ керязь прят 24 иесэ Гер-гард Гольцер, 24 иесэ Рейнгольд Юлиус, 42 иесэ Фердинанд Томас антифашисттнень ды 28 иесэ Эрнст Опиц солдатонть. Дюссельдорфсо ледезь 7 солдатт фашистской на-чалъстванть а кунцоломань кис. Ней молит од маштнемат. Смерт-никтнень камератнесэ расправань учозь аштить ламо кемень лият антифашистт, конатнень судизь

пресловутой „народной судтнэ“, конатнесэ ветить тевтнень профес-сиональной фашистской палачт. Кулома грози Герич ды Ловач, Ро-берт Штамм ды Адольф Рембте, Лизаветта Германи робочейтнень ды ламо лиянень.

А сатыть тюрьматне ды концен-трационной лагертьне. Ганноверсэ, кона истяккак пиязь concentra-ционной лагертьнесэ, строить 18 од концлагерьт. Папенбургонть малава моли истямо жо „робота“: теить 18 од концлагерьт. Ды истя—весе фашистской Германияванть.

Весе мирэсь ужас ды отвраще-ния марто кунцолы сень, мезе мо-ли „Колмоце империякс“ лововиця покш застенкасонть. Фашистской тирантнэ тревогасо аштить сень неезь, кода касы Германиясо ва-чодо кадовозь народной массат-нень мельс а парост. Германиясо пек касы героической испанской народонть марто солидарностень движениясь, Испаниясо фашистской интервенциянт каршо движе-ниясь. Те движениянт икеле фа-шисттнэ вийтеметь. Фашисттнэ, конат аноктасть „покш война“, неить, кодамо аволь кемевикс сынъ тылсь. Тень эйсэ самая тол-ковавить фашистской азаргадонь од террорось, преследованиянтнень од волнась ды маштнематне.

## Португалиясь сезинзе Чехословакиянт марто дипломатической отношениянтнень

Английской газетатне сермадыть, што португальской правитель-ствась сезинзе Чехословакиянт марто дипломатической отноше-ниянтнень. Португальской прави-тельствась печатась сообщения, конаньстэ неяви, што Чехослова-киянт марто дипломатической отношениянтнень сеземань причи-накс ашти вана мезе: Чехослова-киянт Збройовка военной заводон-

тень Португалиясь макснесь покш заказ пулемет лангс, но Чехосло-вакиянт правительствась заводон-тень эзь мере макстнемс оружият Португалиянтень, се позициянт кувалт, конань португальской пра-вительствась занизе испанской тевтнес а эцнемадо вопроосонть. Португальской посланникесь Чехословакиясто тусь.

(ТАСС).

## Кие чумось те тевсэнтэ?

Ковылкинань физкультурной ор-ганизациясь икеле лововсь респуб-ликасонть сех вадрякс. Сядот ды тыщат од ломанть ульнесь тар-газ эрва кодамо спортивной ме-роприятиясь. Эрва иене тейтертне занить республикань васень тар-катнень. Ней жо районсонть физ-культурной кодамояк робота арась. Кадовсь ансяк вейке футбольной командась. Сеяк ансяк райцентра-сонть, месь коргамс уш колхо-зонь велетнеде. Тосо овси кода-мояк робота а ютавови. Бу-ти икеле роботасть 7—8 кру-жокт, то ней а роботы вейкеяк, весе каладсть.

Физкультурной роботас нолдазь ярмактнень целанек ульнесь юта-вотзь футбольной команданть тев-тнес. Футбольной командась рай-бюджетэнь ярмактнень ютавынзе весе эсь лангозонзо.

Физкультурань тевенть кувалт уполномоченноенть Сундуковонь мельга контроль кияк а вети: а РИК-есь, а ВЛКСМ-нь райкомось, а физкультурань ды спортонь ку-валт республиканской комитетэсь. Физкультурань роботась максозь Сундуковинь откупс.

ГТО-нь ды БГТО-нь значоктнэ лангс норматнень максомась ды аноктамось а ютавови.

Кие чумось сеньсэ, што Ковыл-кина районсо физкультурной роботась каладсь?

Физкультурник.

## Футбол

### Саранск—Ардатова 1:1

Августонь 18-це чистэ, Саранско-ень стадионсо вастсь футбольной кавто командат: Ардатовань ды Саранскоень 1-це динамось. Налк-семась ушодовсь кото часто, чок-шне.

Эрви меремс, што васень тай-монть налксеманзо перть инициа-тивась ульнесь ардатовецтнэ ено. Сынъ налксесь седе проворной-стэ ды парсте. Эрви тешкстамс сеньгак, што Ардатовань врата-рес эсь функциянзо топатсь а беряньстэ. Сон кундыль пек труд-ной мяч. Васень таймось прядовсь 1:0 счет марто Ардатованть лезэс.

Саранскоень 1-це динамонь ко-мандась неизе, што Ардатовань ко-мандась виев, омбоце таймостонть кармасть налксеме седе парсте ды сеедьстэ инициативась кадовкшныль саранскоенцетнень енов. Омбоце таймонть придоманть малав саран-скоенсетне седеяк виевстэ кар-масть саеме инициативанть эсь кедьс ды пандызь вейке голонть ардатовецтнэненъ. Налксемась прядовсь вейкедсть—1:1.

Эрви тешкстамс кой-кодат аса-тыктнэнь, конат ульнесь кода Саранской ено истя жо Ардато-ва ендояк. Васняк, судиясь судясь аволь внимательна: мячесь аутс-ливтмя а кенеряк, сон карми вешкеме.

Шкань ответ. редакторось—  
Д. АДУШКИН.